



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellus Sodalitatis: Hoc Est: Christianarum Institutionum Libri quinque

Coster, Franciscus

Antverpiæ, 1587

24 Modus mane surgendi.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

se dignetur, cum Matre sua sanctissima, Angelo custode, Sanctisq. patronis, ad quos tanquã præsentes, mens etiã & oratio conuerteda esset, ac in tali sancta cogitatione obdormiẽdũ.

CAPVT XXI III.

MODVS MANE SVRGENDI.

VBI primũ expergiscimur vel nocte vel mane, cauendum summoperẽ est, ne primitias cogitationum alijs præter Deum habeat. Solet enim diabolus primis diei cogitationibus vehemẽter insidiari: quòd sciat, ab illis ferẽ reliquam diei cõstitutionem in homine pendere. Nam qualis quisque mane est, talis est frequenter reliquo die.

Prima igitur cogitatio nocturna vel matutina, sit gratiarum actionis ad Deum, B. Virginem, Angelum custodem, ceterosq. Sanctos patronos tuos, quorum te curã & fidei ea nocte commisisti: quòd te conseruarint, tibi adfuerint, dæmonem fugauerint: orenturq. humiliter, vt toto die nõ te deserãt, sed in actionibus omnibus iuuent. Si tẽpus surgendi necdum aduenerit, occupetur mens cogitatione sancta, aut oratione. Caueatur autem, ne externæ cogitationes irrepãt, maximẽ verò turpes, aut de negociis, aut occupationibus futuris, quantumuis sub specie magnæ utilitatis sese insinuent aut ingerant.

Hora surgendi ilicò surgatur, factõq. signo crucis, orationes aliquæ piẽ recitentur, quibus animus ab euagationibus, dum corpus vesti-

tur atque componitur, cohibeatur. Nullæ autem tractentur fabulæ: neque quicquam ante orationem admittatur, quod mentem distrahere possit: ne futuræ orationi impedimētum præbeatur.

Vestitus, ad orationem tete componas: in qua post factum signum crucis, recitari possit initio Symbolum Apostolorum, tanquam protestatio fidei: deinde, hæc quatuor puncta voce vel sola mente tractentur.

1 *Gratias ago Domino Deo meo, sanctissimæ Mari, Angelo custodi, omnibusque sanctis, de nocte hac feliciter transacta, quod mortuus in peccatis non fuerim, sed ad hunc usque diem servatus, ut per fidem, pœnitentiam ac Christianæ legis opera, gratiam Dei mihi cõciliem, in hoc breui & incerto vitæ curriculo.*

2 *In gratiarũ actionem, offero me Domine totam diuine tue bonitati, ut de me meisque omnibus, tanquam de tuis statuas; vitam meã ad tui nominis gloriam dirigas, bonis suggestionibus intellectũ illustres, feruore charitatis affectũ ad te moueas, sensusque, sermones, & actus meos, ad animæ meæ salutẽ componas.*

3 *Rogo te Domine, ut hodierno die ab omni peccato custodias, ne cogitatione, verbo, vel opere aut negligentia, diuinam maiestatem tuam villo pacto offendam.*

4 *Propono Domine, cum diuino tuo auxilio, hodie peccata omniã vitare; consueta vitia, ea maxime atque propensior sum, deponere; actiones & studia mea ad tuam gloriam referre, denique in virtutibus exercere, ne dies hic sine bono opere transeat. Tu tantũ non desis mihi gratia tua. In fine, Pater noster*

Am

Aue Maria. Aue maris stella, & Oratio Dominica, ad Angelum custodem.

Vtile esse aliquid temporis dare meditationi: quia per illam homo mirum in modum ad omnia bona paratur, & disponitur.

CAPVT XXV.

MATVINA ET VESPERTINA
oratio pro rudioribus.

RVDIORES, quib⁹ difficile esset predicto modo, vel mane pia meditatione seipso Deo offerre, vel vesperi conscientiam excutere, possent vti hac, aut simili ratione; Vt manè flexis genibus, facto signo crucis, his verbis orent: Primò: *Domine Deus, ago tibi gratias, quòd hac nocte me cōseruaueris. Pater noster. Aue.* Secundò: *Domine, precor te, vt me hoc die ab omni peccato preserues. Pater noster. Aue.* Tertiò: *Domine, offero tibi omnes actiones meas, rogans vt eas ad nominis tui gloriam dirigas. Pater noster. Aue Maria, Credo in Deum, &c.* Addatur, *Aue maris stella*, aut alia oratio aliqua ad D. Virginem, & Oratio Dominica ad Angelum custodem.

Vesperi autem precari possent isto vel simili modo.

1 *Domine Deus, gratias ago tibi, quòd hoc die me cōseruaueris. Pater noster. Aue Maria.*

2 *Domine, precor, vt peccata omnia hoc die cōmissa, ignoscas. Pater noster. Aue.* Poteritque hinc fieri breue examen conscientiae pro captu cuiusq.

3 *Domine, rogo, vt hac nocte me ab omnibus demonis insidijs custodias. Pater noster. Aue Maria.*

G 3 Con-